

ՀԱՆԴԵՍ ԲԱՆԱՍԻՐԱԿԱՆ

ԿԱՅԻՈՍ ԳՐԱԿՓՈՍ ՈՂԲԵՐԳՈՒԹԻՒՆ ՎԻՆԿԵՆՏԻ ՄՈՆՏԵՍԱՅ

— (ՏԵՍ ՀԱՏՈՐ ԽՁ. ԵՁ. 594) —

ՀԱՆԴԵՍ ԶՈՐՐՈՐԴ

ՏԵՍԻԼ ԱՌԱՋԻՆ

ԿՈՌՆԵԼԻԱ ՆԻ ԿԱՅԻՈՍ

Կոռնելիա

ՏԱՑԵՆ, որդեակ, երկինք, մի ստըրջանալ քեզ երբեք
Ընդ անշափդ այդ լաւութիւն. եթէ վեհանձնն խորհուրդ
Յուսայցես յՈպիմիոս գտանել՝ 'ի զհւր յուսայցես.
Բրոնաւոր է նա համակ, և զոր խիթամս առաւել՝
Բրոնաւոր ամօթապարտ, ծանրաբեռնեալ երախտեօք.
Սիրտն այն անագորուն ոչ ունիցի բնաւ ներել
Ամօթոյ՝ պարգև ըզլեանս իւր առ 'ի քէն գիտելոյ.

Կայիոս

Ներեսցէ մի. ոչ այնու զիղջ ընդ պարգևս իմ կալայց.
Սիգութեան կամ լաւութեան գրեալի՝ խընդամ մանաւանդ
Ընդ կորանս առաւել քան 'դ կործանումն Ոպիմեայ,
Իսկ արեան լծէ ամպարիշտ այսօր հեզուլ էր 'ի ճահ,
Զայլ ուրուք արժանի դու քան զնորայն գիտես քաջ.

Կոռնելիա

Անողորմըն դու, զցաւոց և դառնութեան յուշ ամես,
Որ 'ի ժահր ինձ թունէ զյաղթանակիդ հեշտութիւն,
Այլ զի դու ինքնին, որդեակ, բուռն ըզվիրացն հարեր նախ,

Լիւր զդրժնէ կասկածանս՝ որ զիս 'ի դող արկանէ : —
Գիտասլիր՝ գաղտագողի զբըդեաշխըն խուն ինչ յառաջ
իւրովի յայց աներողդ եկեալ անշունչ զիականն .
Ո՛հ, ոչ, ոչ 'ի հանդէս բարեպաշտօն ինչ զըլծոյ,
Այլ ոգի չարասիրտ է կարապետ գալըստեանն .
Զըգիտեմ զբո ինչ հնարք նիւթին, այլ յայտ ըստուգիւ
նենգաւոր ինչ դաւ յղենայ, և թէ նա ինքըն բըդեաշխն . . .
Ո՛հ, զինչ է զոր հայիմս . զինոք Ատեանն ամրափակ :

Կայիոս

Տի՛ նա Սիկարեան վաշտու . է գունդ երեսացւոց :

Կոռնելիս

Երկինք . երեսացւոց ջոկատուն զօրք . և առ թնչ,
Քաւ, ոչ երբեք 'ի Հռովմ՝ գան 'ի հանդէս ելանել
Զէնք հանգունատիպ՝ սոսկ յարհաւրաց ու արենէ,
Որդեակ իմ, քեզ 'ի դաւ տէգքն այն շողան . սիրտ իմ՝ գնայ :

Կայիոս

Եւ ցայդ վայր ուրեմն խարդաւանի վատն 'ի նենդ :

Կոռնելիս

Եւ զինչ այլ յուսայցես 'ի բըռնաւոր նենգողէ . . .
Այլ որ ինչ շահ օգտի զհերըս փետտել, մոլեգնել . . .
Խորհրդոց են աստանօր պէտք, ո՛վ որդեակ, քաւ ցասման,
Ե՛րթ, խըմբեա դու զժողովուրդն յատեան . յայտնեա զանձըն քո .
Խօսեաց, որոտա բանիւք չըրթանցդ 'ի շանթիս,
Զոր 'ի դէպ ժամու գիտես կայծակնացայտս արձակել .
Հար, շանթեա, կորո զնենգողըն դաւաճան քում անձինդ :
Արդարոյն նիւթ է փնաս՝ որ զչարագործն արձակէ .
Եւ գիտա զվրէժ երախտեաց՝ հասարակաց երախտիս :
Ե՛րթ, մի ևս երկմբտել, հարջիր զնենգողն 'ի կորանս .
Գըլծութեան քոյին զվընաս ուղղեա, և դարձ վրիժառու,
Կամ բնաւ մի ևս դառնայցես :

Կայիոս

Մայր իմ, քաջիկ տեսնեմ .

Շուրջ պատեալ կամ 'ի դաւոյ, հնաւանդ զինուց պատրըկաց .
Այլ խոյս 'ի հարուածոց նոցին տալ չիք այլ ինչ հնար,
Բայց արեամբ քաղաքացւոց . և չեմ արեան ծարաւի,
Գիտես քաջ :

Կոռնելիա

Ապաժոյժք շարաւ արեան 'դ երակունս
Լիազեղ յորդեն Հռովմայ. հեղուլ՝ փրկանք են նրմին .

Կայիոս

Հեղցէ զայն տապար. քաւ, մի երբեք աջ որդւոյդ :
Անօրէն չարագործաց իսկ սըրբազան է արին ,
Ջոր ոչ այլում հեղուլ օրէն՝ բայց սրոյ իրաւանց :

Կոռնելիա

Եւ զինչ, եղկելիդ դու, զիրաւանց բարբառիս ,
Ուր ձայն լոկ մեծեղեռն անօրինաց են օրէնք ,
Ուր յոսկի ու 'ի ծիրանիս պըճնեալ յանցանք շողշողեն ,
Ուր մուրող կան լաւութիւնք, եղեռն է սէր հայրենեաց ,
Ուր մահու խուժագուժ անկաւ քոյինդ հարազատ ,
Խոց և վիրաւոր, յումէ արդեօք, յօրինաց ,
Ռ'հ, որդեակ իմ փարելի, և իրաւանց դու մնայցես .
Չօրէնս աստուածային զյաւիտենից և եթ լուր ,
Չոր հընչեն արարածք ողջոյն . Հզօրին՝ զօրագոյն ,
Իրաւանց աստանօր բըթեալ են սայլք սուսերի ,
Կամ զանջօրն հարուածեն լոկ, բըռնագունին դաշնակից :

Կայիոս

Մայր իմ, թէ խրախոյս յարինարբուի տաս 'ի գործ ,
Թըշնամանս ինձ դնես . զի ոչ ծնայ ես երկնել զեղերունս ,
Եւ ոչ այս էին հանդէսք՝ առ որքս զիս մարգէիր :

Կոռնելիա

Եւ զոք եղերանց արդ թելադիր քեզ կայցէ .
Վառել զանձն, յառնել, 'ի մահ տալ զհայրենեաց բըռնաւոր՝
Պարտք են սըրբանուէր. օն, երկիցես ինչ աղէ
Ի վատ կայառակուրծ նոցին դողդոյ տապարաց .
Մի, իցէ թէ երկիւղ ինչ արկանէ մահ 'ի քեզ :

Կայիոս

Կին դու...

Կոռնելիա

Ե՛հ, զինչ ասացի. մեղայ, որդեակ . ներեսիր .
Մայրենի սէր, բարկութիւն, երկիւղ և գութ խանդակաթ ,
Տան չըթանց իմոց ասել՝ զոր դատապարտ առնեն միտք :
Այլ զանշուշտըն գիտելով ըզմեօք կորուստ վերահաս ,

ի բարձումըն բնաջինջ աղատութեանս անձկալոյ,
Այլ շուրջ գաւանեալ զքն որողայթք, մատնութիւնք,
ինքնին և զլաութիւնսըդ զի կորուստ քեզ նիւթեն,
Տեսեալ զարիւնահոտ և զհանդերձանքս մահուդ
Եւ մահու անարգանաց... թհ, մի, որդեակ իմ, զհնարից,
Այլ խորհեաց 'ի դարման վտանգի կենացդ և զպատուոյդ:

Կայիոս

Ընդ պատիւ իմ՝ անկասկած լիջիր... գիտեմ զինչ առնել...
Կենդանի կամ թէ մեռեալ՝ ընդ հուպ լիցիս հաւաստի
Ձի չեմ ինչ անարժան քեզ...

Կոռնելիա

Եւ 'ի խռան թըշնամեաց
Տալ զանձնըդ գնայցես՝ մերկ կողոպտու 'ի զինուց:

Կայիոս

Ի լանջս իմ տանիմ զանմեղութեան զէնք. շատ են:

Կոռնելիա

Ի դաշոյնս վատորեար աւագանւոյն ընթանաս,
Եւ շատ լոկ զանմեղութեան հաւատայցես ըզվահան:

Կայիոս

Ասացի քեզ, չըկամիմ քաղաքայնոց ես զարին:

Կոռնելիա

Ապա զմահ քոյին կամիս:

Կայիոս

Անուն ամբիժ ես կամիմ:

Բարեդէպ կամ թէ զըժնեայ լիցի բախտին յիս հանդէս,
Քաւ, մի զիս յինէն օտարախորթ գիցէ բնաւ:
— Այլ լուր դու. զկեանս 'ի վտանգ մեծ արկանել ընթանամ¹,
Ձև հարսին եղկելոյ գուշակ ոք լեալ զայնմանէ,
Եւ փութամ ճեպիմ՝ մեկնել՝ զուրկ յողջմանէն հրաժեշտի:
Մայր իմ, յաջ քոյին երգուեալ, զոր յողջագոյրս համբուրեմ
Ըզվերջինս, թհ, գուցէ զայս, զի չիք ինձ հնար կալ ժուժել
Ի տեսիլ արտասուածոր մօրն և որդւոյս վըշտահար.
Մըխիթար նոցին ընդ իմ լեր դու, կացջիր ապաւէն
Եղկելեացն երկոցունց, եթէ՝ նկճեալ ես անկանիմ.
Յուսովս այս խիզախել առից 'ի վտանգս աներկիւղ,
Եւ ինձ քաղցր 'ի ժամանել մահուս՝ լիցի մեռանել:

¹) Ի հանդէս գայ Լիկինիա 'ի խորս անդ թատերն:

ՏԵՍԻԼ ԵՐԿՐՈՐԴ

ԼԻԿԻՆԻՍ ԵՒ ԱՌԱՋԻՆՔՆ

Լիկինիա

Մեռանել քեզ, ժվ անգութ . և ոչ 'ի յուշ արկանես
 Ձի կախեալ կան զքէն և կեանք այլոց . և այդմ իսկ կենաց,
 Ձոր յուկամ ըմբոյխնել առնուս՝ իցես ինչ դու տէր .
 Ո՛հ, չիցես քեզ, չունիցիս տղէ և հարսն և որդի,
 Ոյց ընդ քեզ՝ թէ մեռանիս գու՝ մեռանել հասանէ :

Կայիոս

Եւ դու, Լիկինիա, դաս կեղեքել ըզսիրտ իմ :

Լիկինիա

Գամ 'ի յուշ քեզ արկանել՝ զի ամուսին ես և հայր,
 Ձի խուժդուժ և ապիրատ գործես՝ թողուլ ըզնոսին :
 Ձի ոչ 'ի պատերազմ գիմես՝ ուր փառք հաւաքին,
 Ուր ինձ սէգ և չըբաղիր սուգ՝ մահ քոյին ծնանիցի .
 Ձի գէթ յայնժամ զարտասուք այրույս 'ի քաղցր իմն անոյշ
 Մեղմէին 'ի գիւր սըրտիս՝ վէպք յաղթութեանցդ 'ի մարտի,
 Փառաւոր ըսպիք վիրացդ և պերճ մրցանքդ արութեանց :
 Այլ, աւանդ, արկանել զանձնըդ 'ի վտանգ գնաս այժմիկ
 Ուր անշուշտ նըշաւակք նախատանաց քեզ մընան,
 Ուր ոչ ինչ շահ օգտի հասցէ մահուամբդ հայրենեաց .
 Ձի վաղ իսկ յաղթանակ կանգնեալ է ժանտ որերոյն,
 Բըռնութիւն ընդ բնաւ և սուր վարեն ըզդատ իրաւանց :
 Երախտեզըդ քեզ 'ի փնաս խարդաւանեաց թըշնամին,
 Ամօթալից վըճուա կարգեալ է նա Հռովմայ դատաւոր,
 Եւ զէնքն չուրջ աստէն պատեալք՝ նըշանք են մահու :
 Անիրաւ բարեկամք՝ եղծին զարդար իրաւունսդ,
 Իսկ սակաւքն վատասիրտք, թէպէտ և ոչ ապիրաւոր,
 Այլ անդէն զգողանի հարեալք՝ ցանեալ ցըրուեցան :
 Միայն ես և անզէն, առիթ քինու պատրկկաց .
 Եւ յաղէտս յայսքանի զինչ զօրավիգն եղկելոյդ :

Կայիոս

Արութիւնս իմ, իրաւունք ինքնին և դասք տմբոխին :

Լիկինիա

Եւ յո՛վ, անըզդոյշ դու, ապաստան անկանիս,
 Ի՞մ իմիք զակընկալեացդ հաւատայցես ըզվախճան :

Չարաբաստ գիւրեղծական ռամկին է սէր գորովոյ,
Ոյր 'ի փորձ իսկ դառնաղէտ մատեաւ քոյինդ հարազատ,
Ո՛հ, շըրջնաց 'ի խորհըրգոյ այտի. փըրկեա զանձըն քո,
Լեր 'ի գիրկս առտընին թերափիմայցդ յակաստան.
Ի վահան ես ինքնին եղից ըզլանն իմ զայս քեզ,
Ձիս զիս նախ Ոպիմեայ կոտորեսդն զէնք անգութ.
Ե՛կ աղէ, լուր, ճհ, տեղի տուր, թագլիթիւ և ծածկեաց.
Յարտասուս վըշտաց իմոց, հարսանեկանս 'ի մեր զօդ,
Ի սիրոյս իմ գրաւականս համայն՝ զոր ցարդ ցուցի քեզ,
Յորդիդ քո, յեղկելիս այս քո մանկիկ աղերսեմ,
Ո՛հ, գութ 'ի քեզ արկցէ չիշլեափառ տուն քոյին,
Ի խորս իջէ սըրտիդ աղերսալիւր ձայն բնութեան:

Կայիտս

Ո՛հ, հանդարտ լեր, Լիկինիա, և մի գլխառաց համբաւոյս
Կամիցիս շիջուցանել այսօր զպայծառ լոյս աստեղ.
Եւ մի կեղտ ք վատութեան դիցէ զինն յամս յապայս:
Ի վտանգի կայ Հուովմ. լըսեմ զնովիմբ ըզձայն շըղթայից,
Լըսեմ զաղերսալիւր նորին զբաբառ շնորհահայց,
Լըսեմ՝ զի գերազոյն ըզնա քան զհարսն և զորդիս,
Քան ըզկեանս իսկ գըլխովին գընել օրէնք են և պարտք.
Եւ կացից ես, մընացից աստ դողանի թաքթաքուր,
Ե՛ս Գրալքոս, ես այսբանւոյ մօր ծնունդ, փեսայ կրասսոսի,
Ե՛ս Հուովմայցիս. քաւ, մի դու, հարսն իմ, թոյլ տուր,
Թոյլ տուր ինձ հաւատարիմ պարտուցս ըզհետ ընթանալ,
Հաճեաց՝ զի մեկնեցայց 'ի քէն անդորր և խաղաղ,
Ի հրաւէր ձայն հայրենեաց հնազանդ եղէց. ողջամբ կաց:

Լիկինիա

Մի կացլիւր:

Կայիտս

Թոյլ տուր ինձ:

Լիկինիա

Ո՛հ, ոչ, անգութ:

Կայիտս

Թոյլ տուր ինձ:

Լիկինիա

Կամ կացլիւր, անագորոյն դու, կամ սպանլիւր զիս աստէն.
Մի աստի և անդր անցես, մի, չե կոխիալ ընդ աթուր,
Ձիրանն իմ տարածեալ այսրէն 'ի խոչ ընթացիցդ:

Կայիտս

Ո՛վ հայր իմ...

Լիկիևիա

Յաղթեցի ես, զըմասիրտ անմահ զիք.
Ի գութ խանդաղատեալ անշարժ 'ի հօրն անդր յարձան
Յառեալ պըշուտ լրտիկ, և արտասուք յայտս իւրում
Սահին սողոսկին 'ի վայր. այժ, այն արտօսը
Ինձ գուշակ կան հուսկ ուրեմն յուզմանց սըրտին գորովոյ:

ՏԵՍԻԼ ԵՐՐՈՐԴ

ԱՌԱՋԻՆ ՔԱՂԱՔԱՅԻ, ԿՈՌՆԵԼԻԱ, ԿԱՅԻՈՍ ԵՒ ԼԻԿԻՆԻԱ

Առաջին քաղաքացի

Ո՛վ Կայէ, մեծամեծ աղէտք 'ի գլուխդ են հառեալ.
Շըրջապատ 'ի զինուց Աւենտինեանին կայ բլուր.
Եւ քարոզ չարագոյժ 'ի խռան անդ հոծ ամբոխին
Բըռնամահ լեալ բարձրագոյ զԵմիլիանոս հըռչակէ.
Ըսպանող նըմին զքեզ ինքն և զՍեմպրոնիա զքոյր քոյին
Եւ զՓուլուիոս համբաւեալ. զոր պընդագոյն ևս Կրուսոս
Հաւաստել առնու զքարոզն. և ամենայն իսկ ուրեք
Յեղյեղեալ զլուր համբաւոյն ցանեն չըրթունք թըշնամիք.
Սմբոխին չըշընջեալ զայն առ իրեարս յունկանէ,
Հըծծէ թաքնաբար, այլ և հաւատս ընծայէ...

Կայիտս

Եւ հաւատս իսկ ընծայէ...

Առաջին քաղաքացի

Ոչ լոկ. երդնու ևս 'ի վրէժ

Անկեւոյն խողխողելոյ. ես որ յանմիզ զքեզ ունիմ...

Կայիտս

Ժողովուրդն ըսպանչի զինէն հաւատս ընծայէ¹...

Լիկիևիա

Ա՛խ կացիւր, ա՛խ լուր, լուր, ո՛վ անգութ դու, կացիւր...

Կոռնելիա

Յո՛ղիմեալ գնայցես, դուստր իմ:

¹) Դիմէ Թափով 'ի գուրս այլ յայլմէ եղեալ:

Լիկիւնիս

Թոյլ տուր ինձ, մայր, թոյլ արա,
Կռռնելիս

Ոչ, 'ի զուր ճըգնիս :

Լիկիւնիս

Անգութ մայր... ինձ եղնակ... ոչ ևս այլ,
Ոչ ևս այլ տեսից ըզնա... ոչ ևս...

Առաջին քաղաքացի

Անմեղ է Գրակըոս . քաջ գործեցի :

ՏԵՍԻԼ ԶՈՐՐՈՐԴ

ԿՈՌՆԵԼԻՍ, ԵՒ ԼԻԿԻՆԻՍ

Կռռնելիս

Ո՛հ, դարձ այսրէն 'ի միտսըդ արասիր, ո՛վ դուստր իմ,
Եւ մի 'նդ ցաւօք ընկճեալ 'ի զուր քեզ վիշտս ըստեղծուլ .
Սիրեցես զորդեալն իմ՝ քաջ քան զոր ես ինքրն սիրեմ .
Այլ անխռով համայն հայիս զիս, թէպէտ մայր ևս իցեմ :

Լիկիւնիս

...Ոչ ևս այլ տեսից ես զինքն, ո՛հ...

Կռռնելիս

Քաջասիրտ առաւել,
Առաւել յոյժ արտասուս հռովմէական արութեան
Ակն ունէի ես 'ի հարսնէդ Կոռնելիայ :

Լիկիւնիս

Նա յանշուշան ընթանայ մահ, և զլալ յանցանս ինձ գրիցես :

Կռռնելիս

Ընթանայ՝ ուր պատուոյ զնա կոչէ ձայն սըրբանուէր :

Լիկիւնիս

Այլ յորժամ թաթաւուչ արեամբ և խոց վիրալից
Յօշ 'ի յօշ գետնաքարչ զինքն յանդիման քեզ տեսցես,
Զինչ ինչ յայնժամ գործեսցես :

Կռռնելիս

Զոր ինչ յաւուրն յայն ցուցի՝
Յօր եղբայր նորին անկաւ : Գոհ՝ ըզվառաց նորին չուք,
Ի վիճակ ժառանգութեան կալայց . զանուն իւր յազինս
Պարագայց արդար դարուք քաղցր 'ի պարծանս համբաւոյ՝

ինձ յորդի գրեցից, Օրէն քեզ զարուծիւնս իմ կալիւր,
Եւ ընր յանդորրու:

Լիկիւնիս

Ե՛ս յանդորրու. ընկ 'ի մահու.

Հանդիպել անդորրութեան յուսամ. երգուեալ քեզ ահա
Ձի ոչ սոսկ զօրդւոյդ միակ ըզխարոյի ձեռք քո լուցցեն: (Ելանէ)

ՏԵՍԻԼ ՀԻՆԳԵՐՈՐԴ

ԿՈՌՆԵԼԻՍ ԱՌԱՆՁԻՆՆ

Տեսան ուրեք երբեք թըշուառ քան զայս ընտանիս,
Կամ սիրտ կեղեքեալ քան զիմն անլուր գառնութեամբ:
Դուստր Ափրիկանու Մեծին և մայր ես Գրակեքանց,
Ի հռչակ պարծանաց հարեալ անուամբքս այսոքիւք,
Խընդրեալ հրաւիրանօք յարբայազօգ հարսանիս,
Եղիւկ ինձ, զարդիս յայնքան փառաց պերճաշուք
Սոսկ տըխտր և եթ շողիւն ինձ մնան անբախտ արկածից:
Երկուս երկնեցի Հռովմայ որդիս պանծալիս,
Ջերկոսին ևս Հռովմ, տաղտուկ զազատութիւն իւր եղեալ,
Եբարձ 'ի կենաց. և յիւր ձեռն արկ յարեւ...
Ա՛խ, մեծանձըն զաւակաց եղեռն է մայր գըտանել.
Թայսմհետէ ապիրատիցն և եթ պարծանքս տարցին.
Այլ հանգոյն դըրուատիս ընկալցին ծնողք Ոպիմեայ.
Քաղցր ինձ մանաւանդ ունել որդիս վիրալից
Խոց և 'ի սպանդ վարեալ, բայց մի՛ վատանուն:
Այլ աղէ գհետ եղկելոյն ելից... Ե՛հ, զինչ այդ ամբոխ...
Դադաղքդ այդ մահագոյժ, զոր վերամբարձ յուսս իւրեանց
Ծերակոյտ անդամոց տանի որեար սրգազգած...
Ո՛վ տեսիլ, որ սարսուռ ընդ երակունս արկանէ...
Ինքն ահա, Եմիլիանու դադաղքն... ո՛հ, սիրտ իմ դողայ...
Հաղել խոյս յերեսացն առնուլ ինձ ոտք իմ զօրեն...
Ո՛վ դուստր, ո՛վ ամպարիշտ դուստր, աւանդ, զինչ գործեցեր:

ՏԵՍԻԼ ՎԵՑԵՐՈՐԴ

ՈԳԻՄԻՈՍ, ԱՆԴԱՄՔ ԾԵՐԱԿՈՒՏԻՆ, քարծեալ բերելով գդազաղսն
Եմիլիանու, ՆՈՒԻՐԱԿ ԵՒ ԺՈՂՈՎՈՒՐԴՆ

Ոպիմիոս

Աստանօր հանգուցէք ըզմահահոտ զայդ ըզբռն:—
Ժողովուրդ, բարեկամք, և ծերակոյտ վեհորեար,

Ըզհուսկն աստ հարկանել առցուք պարտիս թախծութեան
Առ ընտիրն 'ի մարդկանէ՝ զհասարակացն գրթոյ,
Քաւ, արժան ինչ բնաւ ողբոց քան զայս չեկաց կամ կացցէ,
Հայր ձեր, Կուիրինեանք, պայծառութիւն տէրութեանս
Եւ համայն իսկ աշխարհի՝ կան 'ի դադաղնդ յայդ անշունչ,
Ո՛վ, քանի արութիւն մեծ, ճոխութիւն գերափառ
Բարձեալ պակասեցին այսօր Հռովմայ պետութեանս .
Ո՛հ, որքան մեզ դրժնեայ յեղերականս յայս համբաւ,
Խընդայցեն ասիական ազգք և ազինք Ափրիկայ .
Անյաղթն այն բազուկ՝ որ դող յոգիսն արկանէր՝
Անկեալ դնի անշարժ . և 'ի նանիր աստանօր
Արտասուք և ձայնք ողբոց մեր զինքն 'ի կեանքս կոչնն .
— Ալէ ո՛ր իցէ Կուինտոս ... Տեսի ես զինքն առ ինկ
Վայրիկ մի յառաջ ... Ո՛հ, աստ գտանիս դու Կուինտէ .
Միշտ յականջս իմ հընչէ վրսեմախոհդ այն վըճիւ,
«Հարկ էր, ասացեր, ուր գտանէր այր այսքանի,
Հարկ՝ լինել ևս անդանօր համաշխարհի պետութեան » .
Այո՛, շնորհք առ Դիս՝ զի այսր առ մեզ ծնանել զինքն ետուն,
Այլ և զիղջ ընդ այն՝ զի վաղ յափըշտակեալ առ 'ի մէնջ,
Անարժանս ըզմեզ նըմին 'ի վայելումն վարկանս .
— Լելիէ, և դո՛ւ իսկ այսր իցես, չըքնաղդ օրինակ
Մըտերիմ բարեկամի . մորմոք՝ զարտօսըդ ունի,
Յապուշ հարեալ, լըռիկ՝ ցաւոցդ 'ի ծոց խորասոյդ,
Ի մահուդ սեաւ անկողին կառուցեալ զակնըդ պըշուս .
Ո՛հ, զի՛նչ, եղկելիդ դու, խընդրիցես անդանօր,
Ըքքոյդ զԼսկիպիոն, ըզմըտերիմ քո սերաիւ ...
Նաւանիկ պատատեալ 'ի տըխրաթոյր քօլ մահու,
Ձիրկ թափուր 'ի կենաց չընչոյ, յաւէժ լուս, յաւէժ .
Ո՛հ, ոչ ես ըզնօրին լուիցես ըզվեհ բանս ըզգօն,
Ձհայրենեաց չընչելով սէր, գեղուն երկնից գիտութեամբ .
Ոչ ևս այլ զինքն 'ի մարտի՝ կայծակնացայտ առ ոսոխս
Ու 'ի պարզել անդ ռազմախումբ դժոխդմանց՝ զըւարթ լըրջագէմ,
Առ պարտաւսըն տեսցես կարկառեալ զալ՝ գըթութեան,
Արտասուել զարտասուս նոցին և կալ մըխիթար .
Մահացուի 'նդ կերպարանօք, այլ յանդորրու և 'ի մարտս
Ըզվեհ զաստուածական սըրտի զհանդէս ցուցանել,
Որդի գորովասէր, առատագուկ հորազատ,
Բարեկամ փարելի, ազատական և համբոյր,
Ժուժկալ, խոնարհամիտ, քաղաքացի գերբնտիր,
Չարութիւնս հռովմէականս համայն գանձէր 'ի սըրտին .
Սոյն սա ինքն ահա դիւցազնըն զոր անդարձ կորուսաք :

Եւ որով եղանակաւ : — Ո՛հ, չըկամիմ, ետիրինեանք,
Չառնում յանձըն զարտասուսդ յեղով 'ի բոց բարկութեան,
Դառն է ինձ գուժել առ ձեզ գեղեւոն ահաւոր...
Ո՛հ, մի, մի գիտասլիք երբեք զի զձեզ սպանութիւն
Որբացոյց 'ի հօրէ :

Առաջին քաղաքացի

Խօսեաց, գիտել զայն կամիմք :

Ոպիմիոս

Քաւ, մի, Հռովմայեցիք . լուռ ինձ արժան է լինել,
Ո՛հ, մի բուռն ինձ առնէք արդ զըսպանողսն անուանել :

Երրորդ քաղաքացի

Օ՛ն, զանուանս ըսպանողացն, հապ՝ ծն զանուանըս նոցին :

Ոպիմիոս

Ե՛հ, զիջեալ ցածերուք, եղբարք, 'ի մեծ զայրութիցդ .
Առ իմէ զըսպանողացն առ ձեզ զանուանսն առակել,
Չե մեծի եղբրանն ընծայութեանց լեալ գիտակ :

Երկրորդ քաղաքացի

Քաջ իսկ, կամք ընծայութեանցն 'ի լուր, խընդրեմք զհաւաստիս :

Ոպիմիոս

Խընդրիցէք զայն . ծն 'ի վեր առեալ բացից ես ուրեմն
Ըզբօղըն սըգապատ՝ ծածկոյթ վըսեմ՝ ճակատուն :
Մեծ առ իս մատիք, կացէք աղէ զինե. տեսէք ծն¹ :

Ժողովուրդն

Ո՛վ տեսիլ քըստմնելի² :

Ոպիմիոս

Յորդ ընդ երեսսըն զեղեալ՝

Պատարուն արեամբ զերակսըն դիտեսլիք զճակատոյն : —
Է և իմ՝ տեսեալ երբեք... լուարուք ուշիւ ըզբանս իմ,
Տեսի և ես երբեմն ըզմեռելոց դիակունս,
Դեռ այն ինչ բարձի թողի լըքեալս 'ի կենաց .
Այլ տըգոյնս և 'ի դալուկն հարեալ, ծիւրեալ հալեւմաշ :
Ի տաղնապս օրհասական՝ բնութեան 'ի ճիգն ընդ մահու,
Առ մեծի վտանգին՝ արիւն՝ ոգւոյ կենաց պահպանիչ,
Ի սիրտ անդր ամփոփեալ իջանէ՝ կալ 'ի թիկունս :

¹) Մերկանայ զգեակնն : — ²) Զարհուրանք յետոյ յետոյ ընկըրկեալ :

Եւ մինչ սառն զեռ մահու աղիւս զդրունքս սըրտի՝
Անդ ըզկայ առեալ հանգչի, և ոչ այլ դարձ ևս առնէ
Զայտիցըն՝ վարդատիպ գունաւորիւ զշնորհաց գեղ,
Այլ աստ ո՛չ տեսանիցէք ողջ բովանդակ զեղիկելոյն
Ուռդեալ արեամբ ըզբէմնն թըխաթոյր և զեղուն .
Տեսանէք և զկապուտակ ճըմխալ զորկորն 'ի բազկաց՝
Որ խեղդ արկ ըզնովիմբ՝ ճընշեալ ուժգին բռնութեամբ ,
Ըզբիբսըն դիտեալիք ցըռկեալ ցըցուեալս առ 'ի շեղ,
Եւ զողցես իմն 'ի դուրս վազեալ 'ի բնիկ շըրջանէն ,
Հայեսլիք ընդ-արձակեալ լայնեալ ռընգանցն և ըզփողս ,
Նըշանակ 'ի տուրևառ շընչոյ՝ ճըգանց բռնադատ .
Ըզբազուկսն 'ի ձիգ արձակ արձակ տեսէք տարածուն ,
Եւ զմատունն զայսոսիկ համայն պարզեալ տարանջատ .
Որպէս ոք՝ զի 'նդ պարանոցն իւր անկեալ խեղդ բռնութեան
Այսր և անդըր շարժիցի՝ չե 'ի շընչոյն ողեսպառ .
— Եւ յետ այսր ամենայնի հաւատարիմ դեռ կայցուք ,
Ի բաց յանդամոց աստի՝ բաշխից իրաւամբք
Մեկնեալ քաղցըր նոցին կենաց զողի պարարիչ ,
Քաւ, 'ի բաց տար , արդարոյն ոգի մնատուք այսգունակ
Երբեք ոչ զերկրաւորն իւր լըքանէ զարգելանս ,
Զի ոչ իմն ոստիս հանգոյն յաւեր յամայի
Ըզհետս ապականիչ մոլեգնութեանն զրոշմեալ
Խոյս 'ի բաց տըւեալ փախի, այլ հանդարտիւ և մեղմիկ
Մեկնեալ հեռանայ՝ զերծ յարգելից մահացուին .
Զերդ համբոյր բարեկամ՝ առ մըտերիմ վըշտակից
Դըժընդակ ուղւոյն 'ի ծայր՝ պաշտէ զողջոյն հրաժեշտի .
— Աղէ ոչ հանգոյն իմումն , Հոովմայեցիք , և ձերդ աչք
Ակն յայտնի նշմարիցեն պայծառ ըզհետս եղերանն :

Առաջին քաղաքացի

Քաջայայտ և ակներև . հապ՝ օն 'ի վրէժ կամք համայն ,

Ժողովուրդն

Ի վրէժ , օն , 'ի վրէժ :

Ոպիմիոս

Դուք վրիժառու նըմին , դուք .

Եւ իցէ թէ 'ի գիտեմ անդ զոճրագործն առջիք վրէժ .
Եւ զանուանան իսկ ոչ համբուն ապիրատիցն ասացի :

Երրորդ քաղաքացի

Ասասլիք , օն , ցոյց թէ ոյք իցեն զնոսին , և տեսցես :

Ոպիմիոս

Այլ ոչ մեղք իւրեանց ինքնին յայտնի գուշակ կան նոցա .
Եւ ուժ այլ ումեք հնար՝ ըզնոյն յաւարտ վըճարել :
Ո՛վ որ եղկելայն գալտագողի մուտ գործեալ՝
Ի սենեակ անդր հասանել, և ի վըստահ համարձակ
Ի լըռին անդորրութեան անդ՝ իւրայնոցն 'ի միջի՝
Կենաց նորին գաւել, բայց թէ բաղուկ ընտանի
Ըզհարուածըն կըշուիցէ . այս ինձ ըստոյգ են թըւիք :

Երկրորդ քաղաքացի

Ճըշմարիտըս բարբառի :

Երրորդ քաղաքացի

Ոպիմեայ՝ քաջ են բանք իւր .
Հարուածոյն ուստեք այլ չիք հնար՝ յընտանի լոկ ձեռաց :

Առաջին քաղաքացի

Լուռ կացէք . ունկըն գիցուք :

Ոպիմիոս

Ի սիրելեացն համարի
Հարկ ուրեմն ապիրատին է 'ի խընդիր ելանել :
Այլ ոյր ուրուք 'ի գլուխ հանել զվընաս եղերանն .
Ի ծառայից համօրէն առնոյր պաշտօն կամակար ,
Իբր ըզհայր որ զինքն իւրեան ունէր անձնիւր խրախամիտ ,
Արեամբ չափ պաշտպանել առնոյր ըզտէր իւր մէն մի .
Եւ ո՛վ որ ապա , ո՞ զինքն ատեայր :

Առաջին քաղաքացի

Կին նորին :

Ոպիմիոս

Յանունս յայս , կսւիրինեանք , գոյն յերեսացդ հատանի ,
Շիկնեալ պակուցեալ կայք . և սակայն ուժ ումեք
Ձիցէն յայտ՝ զի 'նդ ամուսին իւր վաղ իսկ կինն այն խեռայր :
Այլ իցէ զի սա ինքնին , թէպէտ յանդուզըն սըբտիւ ,
Ժըպրհէր կին և միայնակ՝ հանել զեղեռն այն 'ի գլուխ .
Տիր օն անդըր , ցայդ վայր ոչ խիզախէ ոյժ կանացի :
Եւ ոյր նըմին բազուկ ուրեմն եհաս 'ի թիկունս .
Գուցէ ումեք 'ի ձէնջ գուշակ 'ի միտս իւր կացեալ՝
Գըտանել զայն , ցուցանել . . . Այլ համբուն լուռ կայք համայն
Ջարհուրեալ ափ 'ի բերան զիտեմ ըզմէն աստանօր .
Լուռ և ես կացից ուրեմն , այլ ինչ չիշխեմ յաւելու :

Առաջին քաղաքացի

Քաւ, մի, խօսես՛իր գող՛իւր ազատ համարձակ .
Եւ մի զայդ 'ի նախատինքս մեզ դիցես 'ի մըտի՝
Գող՛իւր իմն երկիւղ ունել ուրուք առ 'ի մէն՛
Ի բանից ճըշմարտութեան . ըզնոյն համայն մեք կամիմք :

Երկրորդ և Երրորդ քաղաքացի

Այո՛, զնոյն համայն, հապ՝ ծն զճըշմարտութիւն, զիրաւունս :

Ոսկիմիտս

Ասացից . այլ թոյլ ասուք ինձ առնել հարցումն ինչ առ ձեզ .
Դատաւորքըդ մէն գործոց քաղաքացեացրս բարուց ,
Որպիսի՛ իցեն կարծիք ձեր զգընացիցըն փուլուեայ :

Երկրորդ քաղաքացի

Ապիրատ ոք չարաշուէր :

Երրորդ քաղաքացի

Ըսկիպիոնի ռիսերիմ՝

Եւ ես ինքն աստանօր լըւայ յեռանդն՝ ես ինքնին ,
Զի բանիւք դառնութեան սպառնայր կենաց իսկ նորին :

Առաջին քաղաքացի

Այլ և ես ինքնին ըզդոյն հաւատարիմ քարոզեմ ,
Աւրնթեր գօլով նըմին . և զոր բանիւք վրկայեմ՝
Ըզնոյն և յերեսս իսկ առ տապգէն այն վատթար ,
Եւ յայտ յանդիման բնաւից՝ գործեմ՝ հաւաստի :

Ոսկիմիտս

Լըւարուք արդ . չարժանի քաղաքացիս այս Հռովմայ ,
(Զի բանք իմ ըզյայտնեաց յածին) , խոհերս այս ախտիյ՝
Լի քարուականաց մեղզք , սըռփանքս սիրոյ
(Եւ ինձ քաւ 'ի դէպ խընդրեւ որպիսի՛ սէրն այն իցէ)
Առ խուժդուժն ընծայէ Սկիպիոնի կին մոլեալ .
Այլ գիտակ կամ՝ հաւաստի զի առ շամբուշն ընդ սեամս իւր՝
Որգեւլս Ըսկիպիոնի եւ և մըտիցն էր եղեալ .
Եւ խեռայր ընդ այս փուլուիտս , մինչ առաջի ձեր համայն
Լու 'ի լու զըսպառնալիս իւր լուտացաւ յատենիս . . .
Այլ իցիւ թէ փուլուիտս լոկ միայնակ ըսպառնայր ,
Եւ ոչ այլ ոք ձայնակից՝ ընդդէմ՝ կենացն ազնւի :

Առաջին քաղաքացի

Եւ ո՞ այլ ոք , զամենայն ասա . խընդրեմ ընդ բնաւից :

Ոսկիմիտոս

Խրնդրիցէք զայն, և յինէն կամիր ըզնոյն ուսանել.
Այլ ոչ լրանիքդ ինքնին երբեմին լուան
Յատենի հրապարակիս յայսմիկ ձայնել կայիտսի՝
« Բըռնաւոր է Սկիպիոն, հարկ 'ի սպանումն է փութալ » :
Արդ անկաւ Բսկիպիոն, և խրոխտապանծն այն Գրակքեայ
Սոսկալին 'ի կատարումն եհաս պատուէր հրամանի :
Եւ 'ի միտս իմ, կուիրինեանք, մինչ խելամուտ լեալ խորհիմ
Ձի օրէնք անյեղիք փուլուեայ գործոցն և գնացից
Միշտ Գրակքեայ կացին կալք. և զի Գրակքոս և փուլուիոս՝
Միակ սոսկ համաշունչ հոգի՝ յերկեակ կան մարմնի,
Եւ սեղեխ է մին և միւսն եղբայր կընոյն անարժան՝
Չամուսնոյն Սկիպիոնի. մինչ մըտախոհ լեալ դիտեմ
Ձի յանկարծ և թաքնաբար 'ի գիշերի աստ յայսմիկ՝
ՅԱփրիկայ հասանէ դարձ արարեալ այսըր Գրակքոս,
Եւ գող 'ի պահու անդ խողխողի Սկիպիոն :
Եւ զի սուղ հատից, 'ի գործ մեծ այսքանի կարևոր
Մինչ դիտեալ հայիմ՝ խնամով իմըն զանխուլ կալ Գրակքեանց,
Ի գողող և 'ի խորին հատեալ լուսթիւն ահաւոր,
Այն զի նախ ամենեցուն՝ մերձաւորի գութ և պարտք
Ըզնոսին էր 'ի խընդիր յուզել դաղտնեաց և վրիժուց :
Չայտոսիկ համայն սոսկմամբ լի՝ մինչ յաժեալ 'ի սըրտիս
Մըտայողզ լինիմ՝ զիմրդ չասեմ. . . Այլ ոհ, զինչ ասել,
Թէ սիրուն, թէ փարելի, թէ պաշտելի է սպանողն :

Երկրորդ քաղաքացի

Լըւար, Պոստումիէ. և քեզ իսկ ոչ հաւաստի
Թուիցին բանք բըղջիւին :

Առաջին քաղաքացի

Ոհ, Ֆլասապարտ է Գրակքոս.

Ձիք տեղի երկուանաց :

Երկրորդ քաղաքացի

Է աներկբայ յանցաւոր,

Եւ արդ զինչ առնել իցէ :

Երրորդ քաղաքացի

Հուրք զապարանսըն դատել
Ըզփուլուեայ. սրախողխող և զինքն 'ի բոց անդր հոսել :

Երկրորդ քաղաքացի

Իսկ կայիտս :

Առաջին քաղաքացի

Լըքանել զնա :

Երկրորդ քաղաքացի

Կամիցին ապա դու

Ձի ընկճեալ և կորիցէ եղկելին :

Առաջին քաղաքացի

Է՛, կորիցէ :

Եւ տեսցէ ծերակոյտըն զի արգարըս գործեմք :

Ույիմիռու (շնեբլով առ մերձակայն)

Տես, փարիէ, զվըրգովայոյզ շմորեալ զարանցն այն ըզդէմն,
Ազմըկեալ խռովեալ 'ի բանս իմ համայն. ժամ է 'ի դէպ
Ըզվերջնոյն արդ հարկանել բուռն ըզհնարից խորհրդոցս :

Տ Ե Ս Ի Լ Ե Օ Թ Ն Ե Ր Ո Ր Դ

ԴՐՈՒՍՈՍ ԵՒ ԱՌԱՋԻՆՔ

Դրուսոս

Հա՛ս, բըղեաշխըդ, փութացիր. մըղի կըռիւ ահաւոր
Ընդ ամբոխն և զօրականն յԱւենտինեանքն լերին.
Ամենայն ուրեք արիւն և արհաւիրք և սոսկումն :
Խօսեցաւ Գրակըոս, և բանք նորին ճարտարք բոցաշունչ,
Ի հուր կայծակնացայտ վառեալ զոգիս ամբոխին,
Մոլեգնեալ դիմեն յերկաթ և 'ի քարինս և 'ի հուր.
Յորդեռանդն առ նոսա զայրոյթ՝ ըզզէնս յաճախէ.
Եւ քեզ և ծերակոյտ ժողովոյն մահ գոռալով
Ի նախճիրս արեան գոռթեալ խուժեն 'ի զօրսն ուժգնակի :
Չովողք քոյին 'ի գործ վարեն զսուսեր և նիզակ.
Արեան և ըսպանդից գործին 'դ հանուր ճապաղիք :
Եւ վաղ իսկ փուլուիտս խոցեալ՝ զերկիր խածանէ.
Չարաշուէրն այն՝ առաջին յուզիլ 'ի խռովս ամբոխին,
Առաջին և 'ի փախուստ փութայր, զանձին փըրկութիւն
Յաւերակս յակաստանի գործել թափուր բաղանեաց.
Առնթիւ ծեր նըմին անդէն և անդրանիկն իւր ուրդի,
Պատանեակ շնորհալից, լաւագունի հօր արժան.
Անդր հասեալ հաւատարմաց քոց պատեցին ըզնոսա.
Լայր վատշուէրն այն վասն անձին, փոյթ ինչ զորդւոյն չարա.
Լայր ծնողին 'դ եղկութիւն սակայն ազնիւ պատանին, լրեալ,

Եւ զանմեղն իւր պարանոց տալ փոխան հօրն աղերսէր .
Այլ 'ի զուր . երկըքեան եւ առետեղ փողոտին :
Ամբոխին սակայն աճեալ թանձրանայ գունդ խուռնախիտ .
Եւ ոչ ժուծեն տոկալ տեւել կրետեան նետաձիղք՝
Ջառաջս հեղեղասաստ բուռն յորձանացն առնուլ կալ .
Որ ոչ յետս ինչ ընկըրկեալ կասի ձայնիւ տրիբունաց ,
Կամ աղերս պաղատանօք վեհ ալեղարդ ծերունեաց :
Լենտուլոս ինքնին , գիտէք զայրըն՝ զիշխան գերագոյն
Ծերակոյտ աւագանւոյն , պատկառելին հինաւուրց ,
Արժանեօք լի , բարեկրօն , յեցնալ յալիս ծերութեան ,
Թառաջ անցեալ 'ի խռան անդ՝ արտասուօք , աղերսիւ ,
«Ո՛հ , եղբարք իմ , ձայն արկեալ գոչէր , որ այն դիւաշունչ
Ոգի կատաղութեան զձեզ յայդքանի վարէ գործ .
Արին հռովմեական է զոր հեղուքըդ զարին .
Ո՛հ , 'ի սէր աստուածոց եւ հայրենեաց եւ իմ՝ իսկ
Որ ձեր եմ՝ զըլխովին , լուարուք , կացչիք , անսացէք » :
Այն ինչ բանքն 'ի բերանի , պողովատիկ դաւաճան
Ըզկուշտըն մահացու վիրօք խոցեալ պատառէ :
— Տեսէք զինքն իսկ ահա՛ ձրգեալ ընդ քարչ ոգեսպառ
Թաթաղուն արեամբ , յեցեալ զըլթասիրաց 'ի բազուկս :

Ոպիմիոս

Ո՛վ տեսիլ , որ ըզգազանս իսկ շարժեսցէ յարտասուս .
Տեսէք , հայեցարուք աղէ , քըստմնեալ սարսեմջիք ,
Ժողովուրդ դու զաշացու , 'ի լաւութիւնս ապիկար ,
Յեղերունս եւեթ խիզախ , ահա Գրակքեայդ ձեր հանդէս .
Խողխողեալ եմիլիանոս , Լենտուլ սպանեալ շարամահ ,
Արին եւ կոտորած ընդ Հռովմ ողջոյն ծայր 'ի ծայր ,
Եւ հուսկն հասեալ վրտանդ կենաց աւագ որերոյն :—
Եւ զինչ այլ դիմամարտ մոլեգնութեան իւր կայցէ :
Իսկ մեք զինչ , եհէ , գործեմք մեք . ո՛հ , կացցո՛ք դեռ մնասցո՛ք
Ձի խոշոյն այն հասեալ՝ առ թերափօքս ընտանի
Յօշեսցէ զկին եւ զորդիս , ե վերայ նոցին զմեզ :
Հապ՝ օն զամօթի ընդ վատութիւնդ հարերուք ,
Ընդ կոյր մուրրութիւնդ՝ որով պաշտել զինքն առէք :
Ես ահա՛ իշխանութեամբն զոր ետ ինձ ծերակոյտն
Ու 'ի փոյթ խնամոց հասարակաց փրկութեան ,
Թընճամի ես հայրենեաց հրապարակեմ՝ ըզԳրակքոս ,
Եւ կարգեալ զվնասապարտ նորին ըզդուխն ընդ վարձուք ,

¹⁾ Ի տեսիլ գայ Լենտուլոս վերաւորեալ , յեց 'ի բազուկս ծառային , եւ հատեալ
անցանէ զտեսարան թատերն :

ի նըւէր տամ դժոխայնոց սպանդարամետ աստուածոց:—
Հապ' ծն ձեռն եղեալ՝ երդուիցուք, Հարք համօրէն,
ի վրէժ հրաժարելոյս ոյս անկենդան:

Երեւակոյտք (գձեռնն 'ի վերայ դիտեմնն կարկասեալ)

Երգչումք զայն:

Ոսկի Լիոս

Արդ մասն 'ի ձէնջ յուզի անկեալ ընդ դուռննն հապեան,
փութասջիք հանգուցանել 'ի հայրենին իւր շիրիմս
Ըզդիականըդ մեծափառ. ընդ իս գայցեն այլք համայն:
Օ'ն 'ի բաց վարանքդ. առէք 'ի վեր, Նուիրակք, ըզտապարտդ.
Ի վէն զօրականք. մերկացարուք, ծերակոյտք,
Ըզսուսերըդ թերաքամ ընդ ծիրանեօրդ 'ի պահեստ.
Օ'ն առէք խրախոյս. ես ինքն ահ՝ ընթանամ՝ առայլի:

Հինգերորդ Հանդեսն յատաշխայս:

Թարգմ. Հ. ԱՌԱՍՍ ՏԻՌՈՅԵԱՆ

ՃԱՇԱԿ

Յ՝ԱՐՈՒԵՍՏ ՔԵՐԹՈՂԱԿԱՆԷՆ

Ն. ՊՈՒԱԼՈՅԻ

ԵՐԳ ԱՌԱՋԻՆ

Ի զուր բռնահիւս յանդուզն ընդ միտս հարկանիցէ,
Պառնասեան 'ի բարձունս յարուեստ տաղից վիրաթեւել.
Թէ զգաղունին ազգումն 'ի սիրտ իմացաւ ոչ նա զերկնաւոր,
Թէ ոչ աստըզ ծնընդեանն 'ի բնէ քերթող ըզնա կացոյց,
Ըստրուկ յաւէժական է հանճարոյն սակաւապէտ,
Փերոս խուլ առ ձայն նորին, խեռ ըստամբակ է Պիգասոս:

Ճախր 'ի պարապ գեղեցկին ընդ փըշլիցն ասպարէզ
Յեռանդըն կեղակարծ ի որ հարեալ դիմագրաւէք,
Մի տաղից դուք 'ի հիւս ջըրդիք ընդ վայր թափել զդիսդ,
Մի և զտարփդ 'ի չափածոյս՝ աւիւն հաշուիք քերթողական.
Ահ 'ի ձեզ ունայն փառաց արկցեն հրապոյրք սրտապատիր,
Եւ հարուստ ամօք 'ի փորձ մատիք ուժոյդ և հանճարոյ,
Հոյակապն հանճարեղաց բնութիւն 'ի տուրս յոգնաբեղուն
Առ քերթողըս մէն գիտաց ըզտաղանդոյն բաշխել պարգևս: